



0 10 20 30 40 50 60 70 80 90 100 110 120

唐詩  
詩集  
卷之二

Royal College of Control Datchos

1  
2  
3  
4  
5  
6  
7  
8  
9  
10  
11  
12  
13  
14  
15  
16  
17  
18  
19  
20  
21  
22  
23  
24  
25  
26

皇朝詩林

皇朝詩林

皇朝詩林  
冊 乙 函  
45526

嘉慶癸酉秋鐫

孟子年譜序

遂初堂藏板

孟子年譜序

余讀史遷書見孔子生卒出處年月具載而於孟氏列傳疏漏特甚由是言人人殊遵涑水者多牴牾龍門信紫陽者輒齟齬汲冢有非二千年後人所能懸決者竊謂以他說解經不如就經證經之尤足據也史稱孟子兩至齊一至魏他無聞焉按公孫丑問夫子加齊之卿相而曰我四十不動心知其為四十歲以後之言充虞問夫子若有不豫色然而曰由周而來七百有餘歲知其為八百歲以前之言是孟子前客齊當在周顯王三

十七年己丑至四十五年丁酉九年之間去齊乃之宋  
之薛以陳臻問餽知之也去薛乃由鄒之滕以世子過  
宋然友之鄒知之也然合之亦不過一二年周顯王四  
十八年庚子齊封田嬰于薛而孟子在滕矣明年爲慎  
覬王之元年辛丑孟子至梁明年壬寅惠王卒襄王立  
而孟子去梁在梁者甫二年不若前居齊之久也于是  
復自梁之齊爲齊卿又自齊葬母於魯居喪三年反於  
齊而當齊人伐燕至周赧王三年己酉燕人畔而孟子  
去齊前後在齊者又闔七八年矣夫然而復之宋與戴

不勝語稱宋王其在君偃僭王之後可知也夫然而卒  
之魯觀臧倉言後喪踰前喪其在葬母反齊之後又可  
知也君薨然後稱諡齊宣王梁惠王梁襄王滕定公滕  
文公鄒穆公魯平公之諡皆見於經則孟子之年八十  
有四信也今卽以其書比而屬之上自烈王己酉下迄  
赧王壬申尊周以志統次魯以紀宗附七國以觀時變  
之齊而不之秦楚者闕從衡也之魏而不之韓趙者揅  
腹心也之鄒之任之宋之薛之滕而卒不之燕者懼與  
齊爲難也大都前居魯者四十年後歸魯者二十年中

間傳食諸侯祇二十三年事蹟耳余舊輯孟子年譜  
彙藏篋中久未敢問世也自之官秦中舉羸氏遠交近  
攻之遺目驗者半頃又購得孟子年表抄本數頁與山  
東通志闕里文獻考諸說參互校訂分上下二卷綴集  
成書非曰為史傳補亡亦示尚論者讀七篇之法云爾  
嘉慶十年孟冬之月蕭山曹之升自叙

孟子年譜卷上

蕭山曹之升寅谷



己酉周烈王四年魯共公五年四月二日孟子生一歲

齊威王七年魏武侯十五年韓哀侯五年趙成侯三年楚肅王九年

燕桓公元年秦獻公十三年宋得書其鄒任滕薛不記

世者蓋舊史失之也

衛伐齊取薛陵山東通志薛陵城在陽穀縣西南境齊邑○趙伐衛取

都鄙七十三綱目集覽按禮十邑曰都五百家為鄙○魏敗趙師于

北蘭地理志蘭屬西河郡正義曰今屬石州在趙之西北故或云趙北蘭○譜於列國之事無

孟子年譜  
不書者論孟  
子之世也

魯自伯禽就國九世而為桓公桓公子四長為莊公  
其次庶子慶父叔牙季友是為三桓慶父之後初號  
仲孫其後更稱孟孫示不敢伯仲莊公也傳至激公  
宜闕里志先賢孟孫氏諱激字公宜孟軻父或云一  
名彥璞按孟氏五經博士五十九代彥璞字朝璽  
隆慶元年襲職子承光娶仇氏而生孟子闕里志孟  
母夢神人乘雲霧攀龍鳳自泰山來將止於嶧母凝  
神久之忽片雲墜而寤閭巷皆見五色雲覆孟氏居  
而孟子生焉孟氏譜周定王三十七年己酉四月二

日孟子生按竹書定王止二十八年無三十七年一  
誤也定王自癸酉元年至庚子王陟有己亥無己酉  
二誤也據譜稱孟子卒於周赧王之二十六年壬申  
年八十四若謂生於定王之己亥則孟子年當一百  
五十四尤必無之事陳氏士元曰孟子當生安王時  
定字乃安字之誤按安王自庚辰元年至乙己王陟  
凡二十六年亦有己亥無己酉若生於安王之己亥  
則孟子年亦當九十四皆與譜不合惟自赧王之二  
十六年逆而溯之至烈王之四年己酉適八十有四

孟子明明自云由孔子而來百有餘歲孔子卒於敬  
王壬戌距烈王己酉一百八年與孟子合是孟子年  
表謂生於周烈王四年魯共公五年者較孟氏譜足  
據書周以志統也書魯以紀宗也孟子魯人故於其  
生特書魯也然世居於鄒何以知其爲魯人譚氏貞  
默孟子編年畧曰孟子爲孟孫氏後學者或疑之愚  
獨以爲信也觀孟子書不侵及魯三桓一語獨稱孟  
獻子百乘之家友德不挾以比於小國費惠公之師  
子思大國晉平公之尊亥唐上溯堯舜以天子友匹

夫其所以述祖德者不亦淵遠哉又謂史傳本云孟  
子鄒人不云鄒國人如云子路弁人曾子武城人不  
言魯明乎弁武城鄒皆魯下邑也孟子書云自齊葬  
於魯不云葬於鄒因其時邾國亦改爲鄒慮鄒國鄒  
邑後人失考者或疑爲一故葬母大事特書自齊葬  
於魯明魯爲父母之邦也余謂孟子之非邾人辨有  
五焉邾魯世敵仇也春秋季孟屢伐邾戰國時猶聞  
鄒與魯鬪孟子爲孟孫後則安得爲邾人其辨一孔  
子生故鄒城卽叔梁紇所治所謂邾人之子也孟子

亦生於其鄉故曰近聖人之居若此其甚邾在兗北  
青境鄒在兗南徐境安得云甚其辨二樂正子曰君  
奚爲不見孟軻君前臣名也孟子曰吾之不遇魯侯  
天也卽孔子吾舍魯何適意或謂其不似本國臣民  
之言則鄒人與楚人戰一語又豈鄒人所肯出哉其  
辨三曰後喪踰前喪孟子少孤則前喪皆其母自爲  
之臧氏與孟子同姬姓各氏者使其在邾臧氏之子  
何由知之若是之悉其辨四魯欲使樂正子爲政魯  
欲使慎子爲將軍曰欲使者猶未使之辭也孟子不

居魯又何以聞之若是之蚤其辨五然則孟子世爲  
魯人趙氏題辭謂三桓子孫旣以衰微分適他國固  
未足信而史記索隱所爲本邾人徙鄒之說亦不然  
也綱目孟軻至魏不書鄒人者天下之辭也譜於孟  
子之生不書鄒亦爲天下也

庚戌周五年魯六年孟子二歲

魏武侯擊十六年卒子韓哀侯六年韓嚴遂弑其君  
而子懿侯立○譜於列國  
之君書卒書立書收元書改國無大故  
則不書省文也亦不使與周魯例也

魏敗楚取魯陽正義曰今汝州魯山縣也○趙與

秦戰高安

正義曰蓋在河東

敗之○楚伐齊齊使淳于髡

請救于趙楚師還

按此則淳于髡當威王初已為諸侯畫客至宣王喜文學游說

之士始賜列第為上大夫而孟子至齊矣

孟子年表庚戌二歲魏惠王即位特書魏為孟子紀

遊也他日書齊宣王書魯平公書滕文公皆是也按

史記魏世家六國表並云惠王在位三十六年始辛

亥終丙戌襄王十六年始丁亥終壬寅哀王二十三

年始癸卯終乙丑竹書紀年則以襄王十六年上繫

於惠成王以為其改元後之年而自癸卯以後記二

十年事謂之今王今王者杜預以為哀王是是竹書

有哀王無襄王史記有襄王又有哀王世本則又有

襄王而無哀王司馬公以魏史書魏事必得其真故

通鑑從竹書紀年而不從史記以惠王在位凡五十

二年始辛亥終壬寅又不從杜預所云之哀王而從

世本所有之襄王以襄王在位凡二十三年始癸卯

終乙丑余以梁惠王篇晉國天下莫強焉章經文證

之通鑑較是惟世家年表又云子營生于魏文侯二

十五年辛巳三十八年文侯卒武侯立凡十六年而

後惠王立年已三十矣若如紀年文侯五十年卒武侯二十六年卒以生辛巳計之惠王元年已五十三立三十六年又改後元十六年惠王不百有四歲乎是則惠王在位之年當從竹書其文侯武侯之年仍從史記為合惠王蓋八十有二歲耳不書梁時未徙梁也不稱惠成王遵孟子也

亥周烈王共公孟子三歲有父之喪

魏惠王韓懿侯元年○楚肅王臧十一年卒無子立元韓紀年作共侯其弟熊良夫是為宣王

宋辟公辟兵三年卒子剔成立○徐麇曰一云辟公兵京隱曰名辟兵宋後微弱君薨未必有諡辟兵

其名也余按宋世家辟公以上景昭悼休皆以諡稱即戰國策呂氏春秋亦並謂偃諡康王則宋未必無諡或名辟兵諡辟耳然紀年作桓侯壁兵則又當諡桓惟別成之諡史失之王邵按紀年云宋剔成肝廢其君壁而自立肝其名也豈剔成亦諡邪不可考已

齊威王朝周綱目齊侯來朝書趙伐齊于鄆正義曰漢來朝何嘉尊周也

州鄆威王封即墨大夫烹阿大夫正義曰即墨萊城縣

墨故城是也阿即祝○趙伐魏敗濁澤圍魏惠王阿今東平府東阿縣

徐廣曰長社有濁澤非也括地志云濁水源自蒲州解縣東北平地爾時魏都安邑韓趙伐魏豈河南至長社也當是解縣濁水近於魏都初武侯卒也子瑩與公中緩爭為太子韓懿侯乃與趙成侯合軍并兵以伐魏戰于濁澤魏氏大敗魏君圍趙謂韓曰除魏君立公中緩割地而退我且利韓曰

不可殺魏君人必曰暴割地而退人必曰貪不如  
兩分之魏分爲兩不疆於宋衛則我終無魏之患  
矣趙不聽乃解而去太史公曰魏惠王之所以身  
不死國不分者二家之謀不和也若從一家之謀  
則魏必括地志云○韓懿侯趙成侯遷晉桓公于屯留

屯留故城在潞州長子縣東北三十里本漢屯留縣城也按紀年魏武侯以桓公十九年卒二十年韓趙遷桓公于屯留以後更無晉事三家分晉而是役不與魏共者時二家方與惠王不合也

孟子年表辛亥三歲父激字公宜卒母仇氏鞠之按家語孔子生三歲而叔梁紇死題辭但載孟子生有淑質夙喪其父並未記在何歲列女傳則有三歲喪父之說與孔子同禮子生三月父執手而名之王肅

聖證論謂孟子少居坎軻故名軻既孤且貧於此可見鄭樵通志氏族畧曰季友之後傳家則稱季孫不傳家則去孫稱季叔牙之後傳家則稱叔孫不傳家則去孫稱叔故曰以族系爲氏激公宜孟孫之後去孫稱孟者不傳家也田齊世家田太公相齊宣公宣公四十八年取魯之郕郕孟氏邑也孟氏之不傳家久已要其子孫度亦不失爲士樂正子與魯侯言前以士者謂葬以士也其初母以士葬之其既孟子亦祇以士祭之至爲卿於齊母氏卒而後易三鼎爲五

鼎此正禮義由賢者出也若其時孟子不過如禮所

云孺子慕而已棺槨衣衾初非其所自主而顧以為

後喪之踰哉闕里志延祐三年六月追封亞聖鄒國公父為邾國公母為邾國宣獻夫人制

曰由孔子至於孟子百有餘歲而道統之傳獨得其

正雖命世亞聖之才亦資父母教養之方也其父夙

喪母以三遷之教勵天下後世推原所自功莫大焉

子周烈王喜七年魯共公孟子四

楚宣王宋君別成魏敗韓于馬陵綱目集覽馬陵徐廣曰在魏州元

濮州鄆城東北六十里有陵澗谷深魏州元敗趙于懷覽

懷古河內也按韓詩外傳武王伐紂禱于邢正更

名邢正曰懷括地志云故懷城在今懷州武陟縣

西十里此惠王好戰之始報濁澤也魏大夫王錯出奔韓○秦民大

疫日蝕桃冬華

孟子年表壬子四歲有三遷等事按列女傳云母有

賢德挾其子以居始舍近墓孟子之少也嬉戲為墓

間事踴躍築埋孟母曰此非所以居子也乃去舍市

乃嬉戲為賈街事母曰又非所以居子也遂徙舍學

宮旁其嬉戲乃設俎豆揖讓進退母曰此真可以居

子矣遂居之余謂孔孟皆少孤耶大夫有采地以處

其子孫而孟孫致失封邑伶丁孤苦殆有甚焉史載孔子爲兒嬉戲常陳俎豆設禮容此在天縱之聖則然孟子被慈母之教其陳設揖讓一如孔子他年願學之志實自母氏成之然則觀孟子之得亞於聖人不益歎孟母之較難於聖母也哉史記孔子世家孔子生魯昌平鄉陬邑索隱曰孔子居魯之鄒邑昌平鄉之闕里也正義曰括地志云故鄒城在兗州泗水縣東南六十里昌平鄉在泗水縣南六十里孔子生昌平鄉蓋鄉取山爲名故闕里在泗水縣南五十里輿地志云鄒城西界闕里有尼正山按今尼正山在兗州鄒城闕里卽此也按山東通志邾邑在鄒縣北三十

餘里聖父叔梁氏所宰邑謂之叔梁城見地形志昌

平鄉在鄒縣東北四十里孔子生于昌平鄉卽此孟

子故里在縣北三十里傅村按通志傅村孟子所生地也宅前有池大數畝

水冬夏不涸名孟母池一在鄒縣南門外世傳三徙學宮旁也有曝書臺古鄒邑亦在今

鄒縣界內譚氏謂以邑則孔孟皆鄒人以國則孔孟

皆魯人鄒魯可合孔孟而稱不可分孔孟而稱是也

又按子思講臺在鄒縣治東相傳子思授徒於此中

庸精舍在鄒縣城東南隅相傳子思作中庸處闕里

文獻考魯之鄒邑孟子故宅之側舊有子思書院貞

元初徙置於孟子曝書臺西與孟母斷機祠鄰永樂  
初又徙置曝書臺東與斷機祠相直古跡荒遠多不  
可考或子思教學之地其門人多居之者傳所稱三  
徙學宮之旁當卽指此則孟子之爲魯人益信已

癸丑 周顯王九年 孟子五歲

鄭懿侯三年○竹書安王二十一年韓滅鄭哀侯入  
于鄭烈王二年晉桓公邑哀侯于鄭顯王元年鄭  
城邢止自此韓改稱曰鄭索隱曰戰國策謂韓惠王  
曰鄭惠王猶魏徙大梁稱梁王然特書之亦所以證  
孟子也

河水赤于龍門三日 漢書地理志龍門山在馮翊夏陽縣北 ○齊敗

魏觀 正義曰魏州觀城縣古之觀國國語云觀國夏啟子太康第五弟之所封也 ○趙

侵齊至長城 正義曰齊長城西頭在齊州平陰縣泰山千餘里瑯琊入海括地志云泰山西北有長城緣河經

云所侵處在密州南三十里也 與鄭攻周 明年遂

國無君之禍吾必 ○鄭城邢止 徐廣曰以兩家稱首惡焉 在平阜

甲寅 周顯王二年 魯共公十年 孟子六歲

鄭趙分周爲東西 吳澄曰敬王四年子朝奔楚王雖返國然以子朝餘黨多在王

城乃徙都成周而王城之都廢至考王封其弟揭於王城以續周公之官職是爲周桓公自此以後東有王西有公而東西之名未立也桓公生威公威公生惠公惠公之子班又別封於鞏以奉王是爲東周惠公父子同諡以鞏與成周皆在王城之東故班之兄則仍襲父爵居于王城是爲西周

武公以王城在成周之西故自此以後西有公東亦分有公二公各有所食而周尚為一也顯王二年趙韓分周地為二二周公治之王寄焉而已矣周之分東西自此始九年東周惠公卒子傑嗣慎觀以上皆在東報王立始遷于西周即王城舊都也史記云王報時東西周分治今按顯王二年已分為二不待此時矣前建都以鎬京為西周對洛邑為東周後二公封邑以王城為西周對成周為東周余按周報王卒于乙巳明年丙午秦遷西周公而東周君猶存也壬子秦遷東周君而周遂不祀王厚齋謂作史者當自丙午至壬子繫周統于七國之上乃得春秋存陳之義大事記周報後即繫秦朱子以為未當綱目以七國如楚漢並書之是時王居東周故國策先東鮑彪易之謬也徐廣曰顯王二年周紀無此譜從趙世家 ○秦四月至八月雨金櫟陽秦紀獻公二年城櫟陽徐廣曰徙都之今萬年是也正義曰言兩金於秦國都明金瑞見也周地分而

秦瑞見天意豈真不可知歟

乙卯 周顯王 共公十 孟子 七歲

魏使公子景賈伐鄭魏師敗與鄭懿侯會于它陽

史記作宅陽括地志云宅陽故城 趙與齊戰阿

一名北宅在鄭州滎陽縣東南 ○秦敗鄭魏于洛陽

正義曰阿東阿也 今濟州東阿縣也 ○秦敗鄭魏于洛陽

丙辰 周顯王 共公十 孟子 八歲

魏發逢忌之藪以賜民 惠王所謂察鄰國之政無

是也趙岐引謚法云愛人 如寡人之用心者如此類 好與曰惠其斯之謂歟 伐宋取儀臺 亦作義臺

然義臺見莊子司馬彪亦曰

○趙攻衛取甄

杜預曰甄

臺名郭象云義臺靈臺也

丁巳

周顯王共公十三年 孟子九歲

邯鄲

成侯十一年○趙世家敬侯元年趙始都邯鄲至是遂以改其國號猶韓徙鄭改號鄭魏徙梁

改號

兩碧于鄆

說文鄆楚都在南郡江陵北十里

地忽長十丈有餘高

尺半○三晉之師及秦戰于石門

括地志云堯門山俗名石門在

雍州三原縣西北秦大破之天子賀秦以黼黻之

服網目書法賜服不書此何以書前年秦兵至洛陽無忌憚孰甚焉於是而又敗三晉之師于石

門黼黻之賜周之所以自免者未矣書悲之也

戊午

周顯王共公十四年 孟子十歲

兩黍于齊○魏敗鄭及邯鄲之師于澮取皮牢

括地

志云澮水縣在絳州翼城縣東南按皮牢當在澮之側六國表韓懿侯九年曰魏敗我于澮大雨三月趙成侯十三年曰魏敗我于澮皆顯王七年事於魏惠王十年曰取趙皮牢則顯王八年事而趙世家敗澮取皮牢並在七年紀年我師伐邯鄲取列人我師伐邯鄲取肥又六年事余按國策廿茂言梁君伐楚勝齊制韓趙之兵蘇秦言魏君擁土千里帶甲二十六萬恃其強而攻邯鄲從十二諸侯以朝天子以西謀秦所謂制韓趙攻邯鄲當即指此楚世家宣王六年所云三晉益大魏惠王尤彊者未有盛於此時者也似不

孟子年表戊午十歲孔叢子稱孟子車見子思曲禮  
 人生十年曰幼學鄭康成曰名曰幼時始可學也孔  
 穎達曰檀弓三月始名稱幼十年出就外傳故以十  
 年為節季氏本孟子事蹟圖譜曰史記孟軻傳載孟  
 子事甚畧如三遷之事見於列女傳東家殺豚而買  
 肉以食之見於韓詩外傳傳云孟子少時問東家殺  
 豚何為母曰欲啖汝既而  
 悔曰吾聞胎教割不正不食席不正不坐今適  
 有知而欺之是教之不信乃買豬肉以食之以司  
 馬遷之博取而亦不之錄也意劉向韓嬰必有據而  
 傳之也余謂此即呂大臨所為未十年非不學然未

就外傳但因事而教之未足名學至十年可以從弟  
 子之職出就外傳乃所謂學之說孔叢子云孟子車  
 尚幼請見子思子思見之甚悅其志命子上侍坐焉  
 禮敬子車甚崇子上不願也客退子上請曰白聞士  
 無介不見女無媒不嫁孟孺子無介而見大人悅而  
 敬之白也未諭敢問子思曰然吾昔從夫子於鄒遇  
 程子於途傾蓋而語終日而別命子路將束帛贈焉  
 以其道同於君子也今孟子車孺子也言稱堯舜性  
 樂仁義世所希有也事之猶可况加敬乎非爾所及

也又孟軻問子思曰堯舜文武之道可力而致乎子思曰彼人也我人也稱其言履其行夜思之晝行之滋滋焉汲汲焉如農之赴時商之趨利惡有不至者乎又子思謂孟軻曰自大而不修其所以大不大矣自異而不修其所以異不異矣故君子高其行則人莫能階也遠其志則人莫能及也禮接於人人不敢慢辭交於人人不敢侮其唯高遠乎又少微鑑云孟軻問牧民何先

子思曰利之孟子曰君子所以教民亦仁義而已矣

何必曰利子思曰仁義固所以利之也事亦見孔叢

子而文少異孔叢子孟軻問牧民何先子思曰先利之乎子思曰上不仁則下不得其所上不義則樂為亂也此為不利大矣故易曰利者義之和也又曰利用安身以崇德也此皆利之大者也

蔡氏清曰此始後人所為欲湊

成思孟一段授受耳史言受業子思之門人歐陽子言受業

者為弟子受業於弟子者為門人則孟子曷嘗親受業者闕里文獻

考亦載有孟子車請見子思事而年表據之今鄒縣

子思書院肖沂國公像正南面師席左侍鄒國亞聖

公若弟子然其誤必自鮒始也

已未 周 顯王 魯 共公 十 孟 子 十一 歲

燕桓公十一年卒文公立○燕世家自名公以下九世至惠侯索隱曰並國史先失也又自惠侯已下皆無名亦不言屬惟昭王父子有名蓋在戰國時旁見他說耳燕四十二代有二惠侯二釐侯二宣侯三桓侯二文侯蓋國史秦獻公師隰二十三年卒子孝微失本諡故重耳秦襄公立○綱目己未七年

秦伯卒書法秦伯卒何以不名史失其傳名不登於簡冊也綱目從滕侯宿男之例亦及史闕文之意也余按周本紀顯王五年賀秦獻公獻公稱伯故書秦伯秦紀自獻公迄莊襄王皆無名至莊襄王卒始書子政立是為秦始皇帝其餘各名並見索隱本紀獻公二十四年卒與年表異但據燕世家云桓公十一年卒文公立是歲秦獻公卒秦益疆則獻公之卒于是年信也

秦敗魏師于少梁虜公孫痤

閻百詩釋地云惠王九年已未秦魏戰于

少梁少梁故城在同州韓城縣南二十二里古梁國也當時魏全有河西之地故戰于此六國表秦云虜其太子魏云虜我太子此太子即名申後死於齊者中相距二十二年必虜後復歸魏為太子復令之將龐涓兵帶非惟不仁且不知甚矣余以為不然按秦本紀二十三年與魏晉戰少梁虜其將公孫痤魏世家九年與秦戰少梁虜我將公孫痤痤是魏相即衛公孫鞅所事者故明年痤卒而

鞅乃韓秦表誤為大子耳然即是太子亦是痤不是申趙世家所謂秦獻公使庶長國伐魏少梁虜其太子痤是也閻說誤已

庚申周顯王八年魯共公十歲孟子十二

燕文公元年秦孝公元年

魏引河水入于圃田

紀年八年入河水于圃田又為大溝而引圃水瑕陽人自

秦導岷山青衣水來歸是也 ○邯鄲與鄭攻秦 時韓趙方服于魏攻秦報少梁

也 ○彗星見西方衛公孫鞅入秦 綱鑑秦孝公令

公自岐雍之間修德行武東平晉亂以河為界西霸戎翟廣地千里天子致伯諸侯畢賀為後世開業甚光美會往者厲蹀簡公出子之不寧國家內憂未遑外事三晉攻奪我先君河西地醜莫大焉

獻公即位鎮撫邊境徙治櫟陽且欲東伐復穆公之故地修穆公之政令寡人思念先君之意常痛於心賓客羣臣有能出奇計疆秦者吾且尊官與之分土於是衛公孫鞅聞之乃西入秦鞅衛之度孫也好刑名之學事魏相公叔痤痤知其賢未及進會病魏惠王往問之曰公叔病如有不可諱將奈社稷何公叔曰痤之中庶子衛鞅年雖少有奇才願君舉國而聽之王嘿然公叔曰君即不聽用鞅必殺之無令出境王許諾而去公叔名鞅謝曰吾先君而後臣故先為君謀後以告子子必速行矣鞅曰君不能用子之言任臣又安能用子之言殺臣乎卒不去王出謂左右曰公叔病甚悲乎欲令寡人以國聽衛鞅也既又勸寡人殺之豈不悖哉鞅既至秦因變臣景監以求見說以富國彊兵之術孝公大悅與議國事綱目發明天人相應之機至不可誣也自聖經災異之書絕筆於獲麟之後泯泯夢夢至于戰國亂離瘼矣天變於上民病於下不可一端舉也今也上書彗星見西方下書

衛鞅入秦何哉蓋秦自用鞅之後奮其餘烈日肆虎狼之毒吞噬列國凡上世神明之胄掃殄無遺原野厭人之肉川谷流人之血災變之形孰有大於此者不惟是也廢井田開阡陌罷封建置守宰舉先王之典籍盡昇之烈焰之中自昔三代數聖人良法美意掃地不存其為彗也大矣星變之烈豈偶然哉然則鞅乃西方之彗出而掃滅宇內者爾

辛酉周 顯王九年 魯 共公十年 孟子 十三歲

周致胙于秦○邯鄲助魏攻齊○秦師伐鄭次于

懷時韓懿侯十一年也秦本紀孝公元年河山以東疆國六齊威楚宣魏惠燕悼韓哀趙成侯以懿侯為哀侯誤燕亦是文公非悼公

亦

壬戌周 顯王十年 魯 共公十一年 孟子 十四歲

鄭懿侯十二年卒子昭侯立

魏星晝墜有聲○邯鄲與鄭魏盡取晉君屯留地

遷之端氏徐廣曰在平陽正義曰端氏澤州縣也按韓趙前與魏不和故桓公之遷魏無

與焉顯王三年桓公卒子俱酒立是為靜公至是三家乃共取屯留地趙世家云十六年與韓魏分

晉封晉君以端氏是也紀○秦以衛鞅為左庶長年屬鄭豈韓其罪之魁歟

定變法之令綱目書法書變法何罪首變古也

癸亥周顯王十年魯共公十年孟子十五歲

鄭昭侯元年

騶忌以鼓琴見齊威王孟子疏謂齊王悅南郭先生吹竽喜鄒忌鼓琴安知

與眾樂效之史記年表騶忌以鼓琴見齊威王在威王二十一年非宣王也唯南郭處士吹竽乃

宣王時見韓非內儲說○魏執昭侯以伐鄭既而歸之紀年

年鄭釐侯使許息來致地平正戶牖首垣諸邑及鄭馳地我取積道與鄭鹿王及鄭釐侯盟于巫沙

以釋它陽之圍歸釐于鄭是也按昭侯紀年作釐侯懿卒而即執昭侯以伐韓必致地請盟而後釋

魏之不親韓實甚韓世家昭侯元年秦敗我西山使秦人得過其兵於東諸侯而天下徧受其蹶者

謂非魏首貽之成哉○邯鄲成侯與魏惠王遇葛孽徐廣曰在馬卯

孟子年表癸亥十有五歲就學于魯歸家母斷機以

教韓詩外傳孟子少時誦其母方織孟子輟然中止

乃復進其母知其誼也呼而問之曰何為中止對曰

有所失復得其母引刀裂其織以此誠之自是之後  
孟子不復誼矣列女傳云稍長就學而歸母方織問  
曰學何所至矣對曰自若也母以刀斷織軻懼問其  
故母曰子之廢學若我斷斯織矣夫君子學以立名  
問以廣知是以居則安寧動則遠害今而廢之是不  
免於廝役而無以離於禍患也何以異於織績而食  
中道廢而不爲寧能衣其夫子而長不乏養哉孟子  
懼旦夕勤學不息師事子思遂成名儒一說所載互  
異孟子正義獨引劉傳者所以證邠鄉長師孔子之  
孫子思之說明乎就學而歸在出就外傳之日非猶  
是慈母之課讀於家也然謂孟子受業子思之門人  
出史記列傳秘書監王劭謂人是衍字漢書藝文  
志孟子十七篇名軻子思弟子輔廣曰子思之門人  
無有顯名於世者而孟子真得子思之傳疑親受業  
者爲是此不然按史記魯世家哀公十六年孔子卒  
時周敬王四十一年壬戌也又十一年癸酉哀公卒  
子寧立是爲悼公甲戌悼公元年立三十七年庚戌  
悼公卒子嘉立是爲元公辛亥元公元年立二十一

年辛未元公卒子顯立是爲穆公壬申穆公元年立  
三十三年甲辰穆公卒子奮立是爲共公乙巳共公  
元年越丙午丁未戊申己酉爲共公之五年當周烈  
王之四年而孟子生是孟子生年距孔子卒年一百  
有八自穆公之元年上距孔子之卒七十有一年孔  
子之子伯魚卒於孔子之前四年焦竑筆乘云孔子  
卒子思實爲喪主四方來觀禮焉則旣長矣卽使子  
思生於伯魚之卒年及其事魯爲臣在穆公初年已  
七十五歲故告穆公語多質直蓋年高爲穆公所嚴

事故曰繆公無人乎子思之側則不能安子思孟子  
之生距穆公之立三十八年則子思且百十二歲矣  
及成童入大學之年而見子思子思不百二十餘歲

歟

任啟運孟子考畧言子思卒于考王之六年時穆公猶未立也其謬真不足究詰者

通鑑載

子思言苟變於衛侯在安王二十五年大事記云去  
孔子没百有三年子思逮事孔子未必至是時尚存  
薛常州亦云子思之年毋乃過於壽考乎王草堂謂  
史記世家子思年六十二或是八十二之誤是未可  
知若孟子則斷不能親受業也郝氏敬曰史稱孟子

受業於子思之門人而不言門人姓名甚無根柢七  
篇中義理文字多與子思中庸合其言性命原本中  
庸如居下位不獲乎上一章文字義理全與中庸同  
又禮記檀弓載子思對魯繆公問舊君反服與孟子  
對齊宣王舊君有服意同而孟子又自謂未得為孔  
子徒私淑諸人故或謂受業於子思之門人近似余  
謂孟子一生願學孔子言道統並不以顏曾為見知  
其自任之重可見七篇引子思者六俱非同時事亦  
不尊之為夫子餘如沈猶行公明儀公明高大約多  
曾氏門人夫亦不當在弟子之列此史所以不能實  
指門人姓名也

甲子周 顯王十年 魯 共公二十六年 孟子 十六歲

齊封騶忌為成侯○魏與邯鄲會鄆正字通鄆春秋晉邑戰國

屬趙左傳哀四年註鄆晉地後漢光武即位于此改名高邑即今趙州高邑縣○趙孟如

齊○楚君尹黑迎女秦○宋師魏師伐鄭韓世家二年朱

取我黃池魏取朱

乙丑周 顯王十一年 魯 共公二十七年 孟子 十七歲

魯宋衛鄭朝魏紀年在惠王之十四年表則十五年也○邯鄲成侯

與齊宋會平陸

綱目集覽平陸正義曰兗州縣也平陸城即古厥國在大梁東界

與燕會阿

括地志云故葛城一名依城又名西阿城在瀛洲高陽縣西北以徐寬二水並

過其西又徂經其北曲曰阿以齊有東阿故曰西阿城

丙寅

周顯王十四年

魯共公奮二十二年卒

孟子十二歲

齊與魏會田于郊

綱目書法會不言故言故醜辭也書會田于郊醜之也書田始

此 ○魏與秦會杜平

正義曰在同州澄城縣界

獻榮椽于邯鄲

因以為檀臺

徐廣曰襄國縣有檀臺索隱曰劉氏云榮椽蓋地名其中有高處可以為

臺非也按榮椽是良材可為椽登櫺有光榮所以魏獻之故趙因用之以為檀臺

侵宋黃

池 徐廣曰在平邱 宋復取之

丁卯

周顯王十五年

魯康公元 孟子十九歲

秦取魏少梁

七年表秦孝公八年與魏戰元里斬首七千取少梁朱子集注引為惠王喪

地於秦之證又因少梁無七百里故曰後又數獻地於秦 魏圍邯鄲

趙與魏無隙惠王見

敗於秦而遂思賈禍於趙孟子所謂以土地之故糜爛其民而戰之者是也

戊辰

周顯王十六年

魯康公二年

孟子二十歲

邯鄲降齊齊使田忌孫臏伐魏敗魏桂陵

孫子列傳臏生

阿鄆之間亦孫武之後世子孫也嘗與龐涓俱學兵法龐涓既事魏得為惠王將軍而自以為能不及孫臏乃陰使名孫臏臏至龐涓恐其賢於己疾之則以法刑斷其兩足而黥之欲隱勿見齊使者如梁孫臏以刑徒陰見說齊使齊使以為奇竊載與之齊齊將田忌善而容待之進於威王威王問

兵法遂以為師其後魏伐趙趙急請救於齊齊威  
 王欲將孫臏臏辭謝曰刑餘之人不可於是乃以  
 田忌為將而孫子為師居輜車中坐為計謀田忌  
 欲引兵之趙孫子曰夫解雜亂紛糾者不控捲救  
 鬪者不搏撻批亢擣虛形格勢禁則自為解耳今  
 梁趙相攻輕兵銳卒必竭於外老弱疲於內君不  
 若引兵疾走大梁據其街路衝其方虛彼必釋趙  
 而自救是我一舉解趙之圍而收弊於魏也且忌  
 從之魏果去邯鄲與齊戰於桂陵大破梁軍按桂  
 陵地志云故桂城在曹州乘縣東北二十一里

○鄭伐東周取陵觀廩邱綱目集覽陵觀地名在  
 兗州境廩邱地理志兗

州有廩邱縣史記  
 韓世家作邢邱昭侯朝于魏紀年東周與鄭高  
 陽在十  
 五年

家語載孔子年十九娶於宋之上官氏一歲而生伯

魚獨孟子之娶妻生子後人迄不知在何歲譚氏編  
 年畧以母氏始以仲子季子終而云妻田氏仲子名  
 畢雜見他書不妄載此猶及史闕文之意也余按韓  
 詩外傳孟子妻獨居踞孟子入戶視之白其母曰婦  
 無禮請去之母曰何也曰踞其母曰何知之孟子曰  
 我親見之母曰乃汝無禮也非婦無禮禮不云乎將  
 上堂聲必揚將入戶視必下不掩人不備也今汝往  
 燕私之處入戶不有聲令人踞而視之是汝之無禮  
 也非婦無禮也於是孟子自責不敢去婦詩曰采芣

采非無以下體列女傳所載與此差異

王厚齋謂列女傳孟母曰

禮將入門問孰存云云今曲禮闕二句

嘗疑檀弓二篇載事無多獨於

子上之母子思之母伯魚之母沾沾焉巧詆凡四見

夫夫婦人道之始聖人人倫之至寧不能刑于寡妻

而大聖大賢俱為無妻無母之人邪家語後序則曰

自叔梁紇始出妻及伯魚亦出妻子思又出妻故稱

孔氏三世出妻似為聖人諱者然以誕育聖躬之聖

母而敢於誣之何怪乎荀子所云孟子惡敗而出妻

注云惡其敗德而出其妻也

可謂能自強之說哉是舊說有誣孟

子出妻者而娶妻之年卒不可考三遷志孟子娶田

氏生子名仲子孟氏譜云仲子名罽孟子之子也郝

氏解從之趙注則謂孟仲子孟子之從昆弟也詩譜

云子思論詩於穆不已孟仲子曰於穆不似毛傳取

以為說孔氏謂趙岐云孟子從昆弟學於孟子譜云

子思弟子蓋與孟軻共事子思後學於孟軻余謂孟

子且不親受業於子思之門何有仲子意孟子之子

自名罽師事公孫丑並未著詩傳其序錄所稱子夏

傳曾申申傳魏人李克克傳魯人孟仲子者當別是

一人王厚齋以爲名氏之同是也然則公孫丑篇之  
孟仲子以趙氏從昆弟之說爲信其告子篇之孟季  
子又當爲仲子之弟也孟子之子名仲名畢且傳聞  
異辭而生子之年更不可考也惟是孔孟俱少孤依  
母成立孟子曰娶妻非爲養也而有時乎爲養則其  
娶必早乃史缺有間他說別無足徵近得孟子年表  
亦概不之及表但云孟仲子孟子之從昆弟也其世  
系與孟子同按趙岐註謂孟子從弟朱  
子因之又孟子世譜謂是孟子之子序爲二代嘗從  
公孫丑學于文定府誌又謂孟子子名畢從公孫丑  
學而世譜又以畢爲三代不知何據余始以孔子之年度之而附識於

此兩歲之下以俟後之叅訂者至禮稱二十曰弱冠  
又云子生三月父親名之旣冠而字之闕里志孟子  
名軻字子輿一字子車陳士元孟子雜記按孔叢子  
聖證論等書子車一作子輿一作子與一作子居而  
楊倞荀子註又作子輿蓋車居音同輿與興字譌也  
廣韻軻字註云孟子居貧軻故軻字子居王伯  
厚疑皆傳會則不如趙氏題辭字則未聞之說得之  
矣

已周顯王十三年  
已周顯王十三年  
魯康公三年  
孟子一歲

孟子年譜 卷上

十四

諸侯圍魏襄陵一統志云襄陵晉大夫卻擘之食邑名以襄公陵在此因名魏

築長城紀年顯王壬戌魏龍賈帥師築長城于西邊塞固陽括地志云桐陽縣漢

舊縣也在銀州銀城縣界按魏築長城自鄭濱洛北達銀州至勝州固陽縣為塞固陽有連山東至

黃河西南至夏會等州紀年丁卯宋景鼓衛公孫倉會師圍我襄陵戊辰梁以鄭師及諸侯帥縣于

襄陵按世家年表言諸侯圍魏當即指築長城塞固陽帥縣未詳疑督率固守意當即指築長城塞固陽

事俱宜移置此年下為合○秦以衛鞅為大良造將兵圍魏安

邑降之正義曰安邑在絳州夏縣安邑故城是地理志曰河東有安邑縣○齊使

楚景舍來成于魏恐魏下秦也紀年在十六年亦誤

庚午周八年顯王十魯四年孟子二十

魏歸邯鄲及成侯盟于漳水上正義曰邯鄲洛州縣也漳水名漳水

源出洛州武安縣三門山也○鄭以申不害為相申韓列傳申不害者京人

也故鄭之賤臣學術以于韓昭侯用為相內修政教外應諸侯十五年終申子之身國治兵疆無侵

韓者申子之學本於黃老而主刑名著書二篇號曰申子秦城商塞衛鞅圍固

陽降之魏築長城所以防秦也不及年而鞅即有固陽之圍秦曷嘗一日忘魏哉攻蘭

趙世家成侯二十四年秦攻我蘭蓋因趙之復與魏和也

辛未周九年顯王十魯五年孟子三十

邯鄲成侯種二十五年卒子肅侯語立○按趙世家成侯卒公子緹與太子肅侯爭立緹敗亡奔韓

並未及肅侯名系本云肅侯名語索隱從之

魏與秦會形索隱曰形地名商君死形 ○秦徙都

咸陽綱目集覽咸陽漢高更名新城漢武更名渭城今長安是關中記秦孝公都咸陽今渭城

是始皇都咸陽今城南大城是山南曰陽水北亦曰陽其城在渭水北又在九變諸山之南故名咸

陽築冀闕正義曰冀記也記列教令當於此門闕也闕在門兩旁中央闕然為道 始

廢井田開阡陌綱目書法書始何罪首變古也凡立法有變古為民害者必書始若

初衛鞅築冀闕宮庭於咸陽徙都之令民父子兄弟同室內息者為禁并諸小鄉聚集為一縣縣置

令丞凡三十一縣廢井田開阡陌平斗桶權衡丈尺 衛鞅教孝公燔詩書韓

日商君教秦孝公燔詩書而明法令王厚齋謂史記商君傳不言燔詩書蓋詩書之道廢與李斯之

焚之無異也何義門云意者商鞅所燔止於國中至李斯乃流毒天下余按商君用意慘刻初行變

法之令言令不便者刑之言令便者又遷之不同其民於木石鹿豕而不止早為始皇作之備矣况其積威所劫力能驅國人決裂唐虞三代之法豈不能盡國人棄置唐虞三代之書此事有固然勢所必至者也故特取韓子之說附識於此

壬周顯王二十 魯康公六年 孟子四歲

邯鄲肅侯元年

邯鄲肅侯奪晉君端氏地徙處屯留晉世家云靜公遷為家人

晉絕不祀是也 ○秦初為縣有秩史漢書百官表云縣令長皆秦官萬戶以上

為令秩千石至六百石減萬戶為長秩五百石至三百石皆有丞尉

癸酉周顯王二十 魯康公七年 孟子二歲

魏及邯鄲遇于陰晉

地理志云華陰縣魏之陰晉秦惠文王更名寧秦惠帝更

名華

○鄭昭公如秦○秦初為賦

徐廣曰制貢賦之法也

甲戌

顯王二十二年魯八年

孟子二十

六歲

魏孫何侵楚○公子范襲邯鄲不勝死○楚伐徐

州徐廣曰今薛縣

乙亥

顯王二十三年魯九年

卒于

孟子二十

七歲

齊殺其大夫辛

徐廣曰一作夫人

○絳中地墟西絕于

汾

左傳註絳晉所都也今平陽絳邑縣廣興記臨汾汾西二縣今俱屬平陽府

○魏魏

章帥師及鄭師伐楚

紀年二十二年壬寅孫何侵楚入三戶鄂二十三年魏章

帥師及鄭師伐楚取上蔡孫何取滎陽按楚北魏西與秦相接惠王不得志於秦連年伐楚卒致辱焉非不

○邯鄲肅侯朝周

趙世家云四年朝天子特書以美之

貶號曰侯服屬三晉

綱目發明衛自康叔受封固侯爵也至是乃始貶號曰侯

何哉蓋春秋列國率皆僭號稱公如鄭伯邾子杞男之類甚至葉以楚之屬縣亦稱曰公今焉衛之自貶特迫於勢之微弱求為取容之地爾彼韓趙魏乃晉之大夫衛與晉為兄弟之國其視三家則其外也甘為服屬不亦傷乎然三家尚能併晉而有之又何有於衛哉特其土地褊小不足以動三晉之心不然豈貶號所能免耶特筆書此亦足見強大之凌弱小而微者之不能自立其亦可哀也

丙子

顯王二十四年魯十年

孟子二十

八歲

魏敗鄭馬陵

丁丑周顯王二十二年 魯景公 孟子九歲

秦會諸侯于周諸侯朝周義也挾天子以會諸侯非義也秦至是蓋益強矣

田忌襲齊不勝田齊世家言田忌率其徒襲攻臨淄求成侯不勝而奔索隱曰是時

齊都臨淄孟嘗列傳云田忌襲齊之邊邑其言為得余按威王二十二年封騶忌以下邳號曰成侯

田忌與騶忌不善意者所攻其下邳歟 ○邯鄲攻齊拔高唐一統志云高唐春秋齊之邑名

春秋齊之邑名

戊寅周顯王二十三年 魯景公 孟子三十歲

周致伯于秦孝公 ○中山君相魏索隱曰魏文侯滅中山使子擊

守之後尋復國至是始令相魏其中山後又為趙所滅 ○邯鄲攻魏首垣正義

日蓋在河北也

己卯周顯王二十四年 魯景公 孟子三十一歲

齊威王三十七年 ○譜於列國之君無大故俱不書年茲曷為書齊威王之三十七年也按史記田齊

世家三十六年威王卒子宣王辟疆立年表並同則是年當為宣王之元年也通鑑則於威王之世增十

年於潛王之世滅十年綱目曰考異不載其說未詳所據余謂此蓋欲以伐燕事屬諸宣王以信孟子耳

夫宣王伐燕經文也此斷不可改者伐燕在宣王之十九年當周赧王之元年丁未而威王在位自有四

十六年矣譜從通鑑故特書之

諸侯畢賀秦使公子少官率師會于澤時秦孝公二十

年也徐廣曰澤紀年作逢澤在開封東北拓地志云逢澤亦名逢地在汴州浚儀縣東南按紀年秦

孝公會諸侯于逢澤屬顯王二十三年誤

庚辰周顯王二十三年誤

魏復伐邯鄲鄭共擊魏不利請救于齊齊使田忌

將孫臏為師敗魏馬陵虜其太子申殺將軍龐涓

集註惠王三十年齊擊魏破其軍虜太子申是也魏城濟陽城濟陽於東

患也山東通志曹縣濟陽城在縣西南五十里漢置縣屬陳留郡○秦馬生人

梁惠王曰及寡人之身東敗於齊長子死焉此經文

也然魏世家云魏伐趙趙告急齊田齊世家云魏伐

趙趙與韓親共擊魏趙不利韓請救於齊孫子列傳

又云魏與趙攻韓韓告急於齊史載異辭有不可不

辨者余還以經證之孟子曰梁惠王以土地之故糜

爛其民而戰之大敗將復之恐不能勝故驅其所愛

子弟以殉之集註子弟謂太子申也明指此事但云

大敗云復之孟子當日何指自邠鄉以下罕有注及

者後人讀孟子遂亦終身不解按周顯王十五年丁

卯魏圍邯鄲十六年戊辰邯鄲降齊齊使田忌孫臏

伐魏敗魏桂陵時惠王十八年也惠王初立即與二

家不和後遂相讐靡已曩者邯鄲垂拔中北於齊史  
稱大破梁軍固無日不圖報復者至三十年庚辰又  
令太子申爲上將軍以伐趙惟其爲趙也故曰復惟  
其在桂陵之敗之後也故曰大敗將復之外黃徐子  
謂勸太子戰攻欲啜汁者衆太子雖欲還恐不得矣  
夫非惠王驅之而誰驅之者此孟子之經之明注也  
然則世家魏伐趙之說不爲無據因趙與韓親共擊  
魏不利致韓有南梁之難而請救於齊故又曰齊起  
兵救韓趙以擊魏列傳謂魏與趙攻韓夫魏與韓趙

不和而韓趙未嘗不和前年趙方攻魏首垣今豈遽

反而助魏且助魏以攻素親之韓此必無之事也紀

年穰疵帥師及鄭孔夜戰于梁赫

梁赫卽南梁晉太  
康地記云戰國時

謂南梁者別之  
於大梁少梁也鄭師敗逋與齊田盼戰于馬陵屬顯

王二十六年誤通鑑與傳載畧同惟改直走大梁句

爲直走魏都不知魏都安邑去齊都幾二千里踰河

度陘孤軍無繼贖之智必不出此大梁雖未徙要屬

其一大都會走大梁者攻其所必救也又孫子所云

據其街路衝其方虛者也余按田齊世家威王二十

六年使田忌孫臏伐魏三十五年田忌求成侯不勝而犇至是名復故位又使為將而孫子為師此孟子列傳所謂當是之時齊用孫子田忌之徒而諸侯東面朝齊者是也然皆在威王之世並非宣王且孟子尚未出遊史亦泛言夫時事耳

辛巳周顯王二十六年孟子三十三歲

梁惠王三十一年魏罃始改其國號曰楚宣王熊

十年卒子威王熊商立

邳遷于薛左傳定公元年薛宰曰薛之皇祖奚仲居薛以為夏車正奚仲遷于邳仲虺居

薛以為湯左相杜注仲虺奚仲之後則邳薛皆任姓國也齊威王二十二年封騶于下邳蓋奚仲之祀忽諸矣三十八年韓南梁之難騶忌子曰不如勿救索隱據戰國策謂有張巧對云蚤救之此云鄒忌者王劭云此時鄒忌死已四年誤也然則當田忌襲攻之後成侯已死而威王至是復遷邳于薛以邳薛為同姓國耳山東通志仲虺城又曰上邳城有下故此為上矣漢呂后封楚元王子郢客為上邳侯水經注鄒水逕仲虺城北又云泗水逕薛之上邳城皆此城也地道記曰城在薛城西三十里按之今城薛西三十里有驩城以虺為驩音之轉也舊志以為王驩食邑所未確矣 ○秦衛鞅伐魏誘執其將公子卬而敗之綱目書法誘也商君列傳衛鞅說孝公曰秦之與魏譬若人之有腹心疾非魏并秦秦即并魏何者魏居嶺阨之西都安邑與秦界河而獨擅山東之利利則西侵秦病則東收地今以君之賢聖國賴以盛而魏

往年大破於齊諸侯畔之可因此時伐魏魏不支  
 秦必東徙東徙秦據河山之固東鄉以制諸侯此  
 帝王之業也孝公以為然使衛鞅將而伐魏魏使  
 公子卬將而擊之軍既相距衛鞅遣魏將公子卬  
 書曰吾始與公子驩今俱為兩國將不忍相攻可  
 與公子面相見盟樂飲而罷兵以安秦魏魏公子  
 卬以為然會盟已飲而衛鞅伏甲士而襲虜魏公  
 子卬因攻其軍盡破之以歸秦梁惠王曰寡人恨  
 不用公叔痤之言也胡致堂謂惠王不恨不用孟  
 子之言而以不用公叔之言為恨亦可謂愚余謂  
 惠王惟以不用公叔之言為恨 秦封之於商十五  
 而乃不恨不用孟子之言也

**邑號為商君** 正義曰於商在鄧州內鄉縣東七里古於邑也商洛縣在商州東本商邑

**周之** 商國 ○ **魏徙都大梁** 紀年屬惠成王九年四月甲寅是年秦孝公甫立公孫鞅未相公子卬未鹵地不割秦不徧魏何 **為大溝于**  
 遠徙都以避之耶索隱以為紀年誤也

北郭以行圃田之水

圃田即今中牟縣距大梁即今祥符縣西七十里

閻百詩四書釋地蘓子曰周之失計未有如東遷之  
 甚者也余亦曰魏之失計未有如都大梁之甚者也  
 去河山之險而就平衍四達之地棄文侯武侯兩代  
 之霸迹而為新造之邦當是時使蚤聘孟子必為王  
 定不遷之計有如後世所謂天子守邊者君誠守于  
 邊則一國之心繫於此一國之甲兵財賦聚於此  
 秦雖疆烏能以一口氣而吞安邑哉惟安邑既去後  
 五十四年遂獻安邑于秦未幾而秦兵至大梁矣又

未幾而秦伐我圍大梁矣蔣賈曰我能往寇亦能往者不信然乎蓋始也不過偷旦夕之安卒不振以底於亡我故於魏號為梁之日即謂畢萬之後已滅不待徵諸河水灌王假降之日矣余按商君謂魏居嶺阨之西都安邑索隱曰蓋安邑之東山嶺險阨之地即今蒲州之中條以東連汾晉之嶮隘是也魏都險要為東諸侯之蔽真秦心腹之疾况秦新都咸陽與魏界高陵最為密邇故曰非魏并秦秦即并魏武侯謂河山之固此魏國之寶非虛語也乃惠王構怨韓

趙既失人和徙都大梁又失地利迨其後秦人拱手而取西河之外魏一搖而諸國動吁是誰之咎歟

壬午周顯王三十七年魯景公四歲

楚威王元年

梁以公子赫為太子○秦與梁戰岸門虜其將魏

錯括地志云岸門在許州長社西北十八里今名西武亭秦紀作鴈門恐聲誤

癸未周顯王三十八年魯景公五歲

秦孝公渠良二十四年卒子惠文王駟立

秦人誅衛鞅滅其家秦本紀鞅之初為秦施法法不行太子犯禁鞅曰法之不

行自於貴戚君必欲行法先於太子太子不可黥  
踪其傅師於是法大用秦人治及孝公卒太子立  
宗室多怨鞅鞅亡因以為反而卒車裂以徇秦國  
綱目書法人衆辭也直書誅者快辭也發明吳起  
亦鞅之流也起書殺而鞅書誅是不惟楚羣臣有  
射中王尸之罪而起鞅之輕重亦可見矣蓋起之  
少恩足以亡其軀而鞅之詐力至於貽禍無窮固  
非起之比也然秦之於鞅用其詐以滅六國亦以  
自滅其國鞅之相秦用其詐以滅秦國亦以自滅  
其家明書于冊所以示天下萬世之戒嚴矣後之  
欲治商鞅之術者可不鑒諸任氏孟子考畧謂秦  
未嘗不招賢然欲復井田學校者孟子也開阡陌  
尚首功者商鞅也秦用鞅孟子必不入秦矣余按  
鞅傳云商君相秦十年戰國策云行商君法十八  
年索隱謂其連未作相之年說也其實鞅入秦當  
周顯王之八年孟子亦止三十有五歲時尚未游歷諸侯  
則謂孟子不入秦以秦變法故是也謂孟子不入

秦以鞅在秦故  
猶攷之未詳已

甲申 周顯王三十二年 魯景公九年 孟子三十六歲

秦 惠文王元年

鄭相申不害死 新序曰申子之書言人主當執術  
無刑因循以督責臣下其責深刻

故號曰術商鞅所為書號曰法皆曰刑名故號曰  
刑名法術之書傳稱終申子之身無侵韓者索隱  
曰王劬按紀年韓昭侯之世兵寇屢交異乎此言  
余謂申子之學本於黃老不用之為清靜寧一而  
用之為刻薄少恩昭侯之惜敝袴而作高門皆不  
害有以啟之也為相十五年而韓終以不振雖同  
一刑名之害申之 ○楚鄭邯鄲蜀人皆朝于秦

乙酉 周顯王三十二年 魯景公九年 孟子三十六歲

天子賀秦

元年四國來朝次年天子致賀惠文于是有不臣之萌矣

○鄭昭侯

與邯鄲圍襄陵

紀年作威侯

○齊與梁會平阿南

地理志沛

郡有平阿縣

○宋太北社亡

索隱曰應劭云亡淪入地非也亡謂社主亡也史記

漢武本紀周德衰宋之社亡

孟子年表乙酉三十七歲魏惠王三十五年孟子至

魏魏王以為迂遠而濶於事情不果所言按史記惠

王數困於軍旅卑禮厚幣以招賢者于是孟軻至梁

集註因之余謂孟子至梁梁王已稱曰叟趙岐注叟

長老之稱猶父也孟子去齊老而之魏王尊禮之曰

父若在是年則孟子止三十七歲耳惠王年長以倍

而父之乎且列傳謂孟子道既通游事齊宣王宣王

不能用適梁若記至梁於乙酉而游齊已在其先則

孟子年不過三十五六何以公孫丑問夫子加齊之

卿相而曰我四十不動心是初至齊未為卿之時已

在四十外也與孟子經文不合然則孟子實先齊後

梁邠卿老而之魏之說信也况魏世家載梁惠王曰

寡人不佞兵三折於外太子虜上將死國以空虛以

羞先君宗廟社稷寡人甚醜之叟不遠千里辱幸至

敝邑之廷將何以利吾國孟軻曰君不可以言利若  
是夫君欲利則大夫欲利大夫欲利則庶人欲利上  
下爭利國則危矣為人君仁義而已矣何以利為語  
與孟子見梁惠王篇及晉國天下莫強焉章意同試  
思三折於外惠王當日何指時東雖敗而西固未喪  
地七百里南亦未辱也余故謂孟子至梁當在梁惠  
王之後元十六年無疑者

丙

周

顯王三十一年

魯

景公十一年

孟子

三十八歲

梁

惠王改其三十六年為一年○世家年表並云三  
十六年惠王卒子襄王立紀年則云魏惠成王立

三十六年改元稱一年改元後  
十七年卒譜從紀年信孟子也

齊復與梁會于甄

謀相王也集韻甄音絹同鄆田  
敬仲完世家昔者趙攻甄子弗

能救正義曰卽  
濮州甄城縣北

齊梁會諸侯于徐州以相王

惠王  
改元

以稱王故兩會  
均宜在是年

○邯鄲起壽陵

徐廣曰  
在常州

○秦王冠

拔鄭宜陽

括地志云故韓城一名宜陽城在洛州  
福昌縣東一統志云宜陽古邑名周為

名伯聽訟之所春秋時屬  
晉戰國時屬韓後屬秦

○於越子無疆伐楚

任氏孟子考畧七國僭王唯楚在春秋時戰國秦最  
強故貶號以示弱梁屢經喪敗而反僭號以自誇又  
不能自王而先以王號餌齊齊許其兩王而後會徐

州以相王焉昔之率十二諸侯以朝天子又胡爲耶  
日暮途窮其行事爲已慎矣余按紀年繫惠成王改  
元於丙戌三十四年之下綱目較後一年故季氏孟  
子事蹟圖譜謂梁惠王之後十六年卽周慎靚王之  
二年壬寅其實後十六年爲慎靚王之元年辛丑若  
壬寅襄王卽位孟子於是年去梁非於是年至梁也  
新安江慎修謂孟子至梁在惠王之末年故有見襄  
王事然惠王三十六年改元稱一年後又十七年卒  
則招賢事當在後元之十六年惠王所以三十六年

改稱一年者是年與諸侯會于徐州以相王故也前  
此爲侯此年始稱王故別紀一年而史記相王之事  
係于襄王元年夫惠王已稱王矣其子又相王何爲  
乎史記之誤明矣又按秦本紀云齊魏爲王索隱曰  
齊威王魏惠王是也但係于惠文王之四年則應當  
周顯王之三十五年亦誤

丁亥周顯王三十五年魯景公十三年孟子九歲

周致胙于秦○邯鄲肅侯游大陵

徐廣曰太原有大陵縣亦曰陸

○鄭作高門早作高門屈宜白曰昭侯不出此門○蘇秦說燕初洛陽人

蘇秦說秦王以兼併天下之術不用乃去說燕文  
公曰燕之所以不被兵者以趙之為蔽其南也且  
秦攻燕戰於千里之外趙攻燕戰於百里之內夫  
不憂百里之內而重千里之外計無過於此者願  
王與趙從親天下為一則燕必無患矣文公從之  
資秦車馬以說趙趙聽而四國從故下說韓魏齊  
楚皆曰以趙王之詔詔之或問合從何以主趙曰  
近秦者韓魏也遠秦者燕齊也國大而幾與秦相  
埒者楚也近秦則不敢為主遠秦則不急為主與  
秦相埒則無樂乎為主矣趙氏中央之國也其與  
秦介遠近之間而其受秦害在不緩不急之際故  
安民擇交之說進而洹水之盟不旋踵而成此天  
下大勢季子所期  
年揣摩而得者也

戊子周

顯王三十六年

魯景公三十三年

孟子四十歲

齊

威王嬰齊四十六年卒子辟疆立是為宣王○按  
紀年齊威王立子顯王之十二年甲子卒于顯王

之四十八年庚子凡三十七年明年辛丑宣王元年  
是通鑑後史記十年而紀年又後通鑑十三年譜從  
通鑑信昭侯二十六年燕文公二十九年卒  
孟子也鄭卒子宜惠王立燕子立是為易王趙肅  
十七年○邯鄲復國號曰趙特書之

趙築長城

正義曰劉伯莊云蓋從雲中以北至代  
按趙長城從蔚州北西至嵐州北盡趙

界又疑此長城在  
潭水之北趙南界

○鄭高門成

昭侯卒不出此門○楚圍

齊于徐州

楚世家七年齊孟嘗君父田嬰  
欺楚楚威王伐齊敗之於徐州遂伐於

越殺無疆

徐廣曰時楚已滅越而伐齊  
齊說越令攻楚故曰齊欺楚○秦以公

孫衍為大良造

秦紀年表並云陰晉人犀首為大  
良造司馬彪曰犀首魏官名若今

將軍敗梁雕陰

地理志上郡有雕陰縣括地志云  
故城在鄜州洛交縣北三十四里

○蘇秦為從約長并相六國

綱目書法以為長何著六國之志也從衡

之說童子蓋之此何以書見從之不可恃也蘇秦

列傳秦惠王使犀首攻魏禽將龍賈取魏之雕陰

且欲東兵蘇秦恐秦兵之至趙也乃激怒張儀入

之于秦於是說韓魏齊楚從合而并力焉蘇秦為

從約長并相六國歸趙

趙肅侯封為武安君

孟子年表戊子四十歲齊宣王即位紀遊也史記孟

軻列傳曰當是之時天下方務於合從連衡以攻伐

為賢按關東地長為從楚燕趙魏韓齊六國居之關

西地廣為衡秦獨居之以六攻一為從以一離六為

衡故從曰合衡曰連國策開頭著蘇秦始將連橫說

秦惠王則合從亦非秦本心也綱目斷曰昔蘇軾有

言蘇秦之為從也合天下之異以為同聯六姓之疎

以為親以謂事之甚難者當是時秦人併吞之勢已

形六國之君皆不能如孟子所謂行仁政修忠信以

撻其堅甲利兵則為目前救急之計舍合從之外亦

未有他策蘇秦適逢其機故不旋踵遂合于一惜乎

秦之為謀徒能裨闔其說以利而陷六國爾天下大

勢利害所在彼固不能深言之也又按吳起傳起相

楚明法審令破馳說之言從橫者起之卒先孟子之

生十年孟子時早已無起

綱目周安王二十一年庚子書楚君類卒楚人殺吳

起距烈王已酉十年則從橫之說已起於孟子未生之前至是

儀秦犀首之徒皆以術游說諸侯致位富貴其說始

熾而其害日深泲水懷山時盡昏墊繁燕塞路孰可

芟夷孟子周流憂世之心實權輿於是矣古之為臣

者不四十不祿不五十不爵不七十不致事馬晞孟

謂四十而仕非必四十而後仕以學而至於四十足

以仕矣不足以仕則為不學故禮四十曰強而仕孟

子曰我四十不動心集注所為四十強仕君子道明

德立之時孔子四十而不惑亦不動心之謂是也譚

氏貞默謂孟子行事欲編次歲月要在不見諸侯與

見諸侯兩端余謂孟子願學孔子誦詩讀書教授弟

子必在博學無方強立不反之日如公孫丑萬章之

徒始皆來學於魯而後從遊齊梁者也居魯四十年

未聞與魯康公景公一見者禮士居本國必君先就

見然後往見故曰在國曰市井之臣在野曰草莽之

臣庶人不委贄為臣不敢見於諸侯禮也往役義也

往見不義也皆就本國言也此謂不見諸侯也其見

諸侯史但言齊宣王梁惠王而已然若鄒任滕薛宋皆其所游之國也若鄒穆公滕文公宋君偃皆其所見之君也史概畧而不書無怪乎先梁後齊事宣事潛之辨紛然起已以上記孟子自始生而喪父而幼而人學而冠而娶而強仕凡七節

無事則不書仿史例也

己周顯王三十四年魯景公十四年孟子一歲始客鄒以下入孟

齊宣王鄭宣惠王燕易王元年通鑑綱目已丑三年是也

秦犀首以齊梁之師伐趙蘇秦去趙適燕從約皆

解綱目書法以者何易辭也上書以蘇秦為從約長下書蘇秦去趙從約皆解所以著從約之不可恃也田齊世家十一年與魏伐趙決河水灌

魏與共伐趙欲敗從約蘇秦列傳云秦使犀首欺齊

秦恐請使燕必報齊蘇秦去○齊取燕十城既而

歸之蘇秦列傳秦惠王以其女為燕太子婦是歲

至燕而先王資先生見趙遂約六國從今齊先伐

趙次至燕以先生之故為天下笑先生能為燕得

齊地乎蘇秦大慙說齊王歸燕之十城按燕世家

在易王之元年而易王讓蘇秦則又謂今齊先伐

趙次至燕以余攻之傳言是也蓋從約一日不解

之伐以犀首之欺也犀首之欺齊魏以燕太子之昏秦女也合從之約燕始之趙成之燕可昏即趙可伐趙伐而從約解從約解而齊又伐燕取十城故蘇秦去趙之燕復為燕使齊此事之較然者若伐燕在伐趙之先則何待 ○梁以陰晉和秦更名河水灌軍而約始敗哉

**寧秦**

按梁西偏于秦而敗約自梁先受禍遂自梁始自是而後地日以削蘇秦所謂兵未用而

季氏圖譜謂孟子居鄒四十年間無所考見其歷聘之迹必隱居尚志已能不動於心譚氏編年謂孟子不見諸侯是四十以前居魯教授弟子時事非在齊梁間語也皆以四十為斷故譜記孟子遊歷諸侯亦

自四十一歲始史言孟子道既通游事齊宣王則疑斯時孟子在齊者黃氏日抄曰史記齊伐燕有二事齊宣王先嘗伐燕燕文公卒易王初立齊宣王因燕喪伐之取十城是即孟子梁惠王篇所載問答稱齊宣王者也此一事也稱宣王者孟子作於宣王已沒之後故以諡稱而趙岐注亦稱齊宣王也齊潛王後又伐燕燕王噲以燕與子之齊伐燕下燕七十城是即孟子公孫丑篇所載沈同問燕可伐與者也此又一事也止稱齊王者作孟子時潛王尚在未有諡之

可稱趙岐注亦止稱王也余謂以伐燕喪爲卽孟子與宣王問答之事其謬三焉燕民世被召公之深仁厚澤於姬姓獨後亡觀他日燕人畔可見齊伐我喪而一再曰簞食壺漿以迎王師是謂不知燕一謬也蘇秦說燕曰燕地方二千餘里說齊曰齊地方二千餘里故曰以萬乘之國伐萬乘之國乃僅取十城而曰今又倍地而不行仁政是不知燕亦不知齊二謬也時從約初解齊魏伐趙而韓燕楚不之救則齊伐燕而韓趙魏楚亦必不之救况蘇秦卽說齊歸燕侵

地又將何救之有而曰諸侯多謀伐寡人者而曰是勅天下之兵也是不惟不知齊燕并亦不知諸侯三謬也此皆孟子之經之顯然可據者余故謂經所言伐燕皆指王噲非易王而齊伐燕喪之時孟子實未嘗在齊與宣王問答也然曷知孟子之游自鄒始也蓋授徒講學大約居魯之日多而曹交得聞人皆可爲堯舜之說遂欲假館鄒君則此時在鄒也張南士曰春秋註鄒本曹姓爲顓頊之後則所爲曹交者或亦曹姓而交名與鄒君同姓故得見鄒君而假館焉其說極通鄒若是孟子本國則來學者受業於門何待假館

且曰得見曰願留又明是對異邦人語故曰孟子魯人非鄒人也任啟運四書約旨謂孟子初年不出必以鄒君信已故至穆公卒乃出而之他國又曰五十年前學未大成也鄒魯悔過而行仁政故留事鄒穆公是既以孟子之鄒為邾又以穆公之鄒為魯其說本不足信但以見穆公為在孟子之初年則誠論之不可易者經曰由鄒之任由平陸之齊之齊在之鄒之後故孟子之見諸侯自鄒始不自齊始譚氏列見去齊之後非是書客鄒別宗邑也

庚寅

周顯王二十八年

魯景公十五年

孟子

四十二歲居鄒

秦定義渠

索隱曰古西戎國與趙魏接境有二十五城秦昭王滅之地理志云北地郡義渠道秦縣也括地志云寧原慶三州秦北地郡戰國及春秋時為義渠戎國之地周先公劉不窋居之古西戎也

山東通志邾曹姓陸終之第五子封於邾從前世系無考自周武王命曹俠仍居邾為魯附庸俠生非非生成成生車輔車輔生將新將新生訾父訾父生夷父夷父傳弟叔術叔術生夏父夏父生儀父從齊桓公會盟有功因爵以子傳文公定公宣公悼公莊公

隱公桓公至穆公遂改爲鄒一云邾本邾婁合音爲鄒也趙氏題辭鄒本邾子之國至孟子時改爲鄒矣

國近魯後爲魯所并又言邾爲楚所并非魯也今鄒

縣是也正義按左傳哀公七年公伐邾及范門猶聞鐘聲杜注云范門邾郭門也是爲魯所并史

記云魯頃公二十四年楚考烈伐滅魯是又爲楚所并閻百詩釋地曰鄒本邾

也當魯隱公元年猶爲附庸以從霸主獎王室王命

爲子是其爵次於魯者僅二等耳哀公七年魯貢八

百乘之賦於吳邾亦六百乘是其賦減於魯者二百

乘耳故以此鄰搆怨勢不下魯竟與春秋相終始何

怪乎至孟子時而猶有與魯鬪之事哉編年畧孟子對齊王稱臣

爲卿也梁王不稱臣不爲卿也對鄒穆公不稱臣而其語倨曰君之民曰夫民今而後得反之視對滕文公尤不同以此知其爲異邦非本國但据新序載穆公以美女二八妻

死事之孤是穆公於此恤有司甚厚又言食不重味

衣不列采自刻以廣民親賢以定國鄒國之治路不

拾遺是必穆公尊信孟子以行仁政觀夫君者民之

父母一言則豈徒養鳥以糝爲富邦之計哉國策鄒穆公有

令食鳧鴈必以糝無得以粟于是倉無糝而求易於民二石粟而得一石糝吏以爲費請以粟食之穆公曰是非汝所知也夫百姓飽牛而耕暴背而耘勤而不敢惰者豈爲鳥獸哉粟米人之上食奈何其以養

孟子年譜 卷上

鳥爾知小計不知大會周諺曰囊漏貯中而獨不聞與夫君者民之父母取倉之粟移之於民此非吾之粟乎烏苟食鄒之糶不害鄒之粟也粟之在倉與在民於我何擇鄒民聞之皆知私積與公家為一體也此之謂富邦

域春秋魯地今鄒縣屬山東兗州府鄒魯密邇孟子時往來其間然則七篇所云居鄒由鄒之鄒者固皆邾鄒非魯鄒也

辛卯周顯王三十九年魯景公十六年孟子四十歲由鄒之任

梁與秦河西之地按秦孝公八年元里之戰取魏少梁取之云者猶未有其地也至是紀書納表書入世家書子少梁河西地始為秦有而秦東地至河矣秦圍梁焦曲

沃拓地志云焦城在陝州城內東北因焦水為名曲沃在陝州縣西南因曲沃水為名

任風姓太皞之後趙氏謂與薛同姓非也後有以國為姓古無以姓為國者漢為任城縣後漢為任城國

山東通志任風姓太昊伏羲之後左傳曰任宿須句顓臾實司太昊與有濟之祀周為魯附庸至戰國時猶存見孟子今濟寧州任城城即今州治本任國漢置縣屬東平國元至元十二年立濟州屬濟寧路而任城廢二十三年復置閻百詩據今濟寧州東任城廢縣謂去

古鄒城僅百二三十里宜任人之難屋廬子明日即可往問是也但即以此為孟子鄒人之證誤已孟子四十年前抱道自重季任固願見而不可得及聞其

客鄒遂以幣交受之不報任氏孟子考畧書季任幣交於去梁後亦非任

國在齊楚之間孟子去鄒卽將之齊其中間至任者

見季子也經有鄒君無任君唐慎思續孟屋廬子問

昔夫子居鄒任君嘗以幣交之夫子受今之任任君

復以祿授之夫子不受託辭也亦別無與季任問答

語孟子蓋一至卽去耳正義以問公都子之孟季子

謂卽爲任處守之季任其謬更不待辨而明者李白

任城縣廳壁記在禹貢則南徐之分當成周乃東魯

之邦東盤琅琊西控鉅野北走厥固南馳互鄉按路

史云厥亭卽平陸故城應劭曰古厥國也然則平陸

在任城之北此孟子由鄒之任由任之平陸之齊之

明据也

壬辰周顯王四十年魯景公十七年孟子四十四歲去任由平陸之齊

楚威王熊商十一年卒子懷王熊槐立宋剔成四十一年剔成弟偃攻

爲宋君

梁伐楚敗之涇山楚世家魏聞楚喪伐楚取我涇山正義曰插地志云涇山在鄭

州新縣西南三十里○楚使景鯉于秦諫報梁也聲言將與秦遇按鮑彪曰五國

之聽蘇子也革面而已非能深究橫從之利害也唯威王雅有難秦之心念之熟矣異夫患諸國之

不可合徒稱從命者也乃惠王首敗從約至是又  
伐楚喪秦難未已復與楚仇迨楚合秦以謀梁而  
支秦不益急耶○秦渡河取汾陰皮氏括地志云汾陰俗名殷湯城在蒲州  
汾陰縣北皮氏在絳州龍門縣西與梁會應一統志云應古應子國名周為應鄉春秋  
時為楚地遷許于葉即此後為沈諸梁邑括地志  
云故應城因應山為名在汝州魯山縣東秦封范  
雎為應侯即此索隱曰河東臨晉有應亭則秦地亦有應圍焦降之

孟子去任之齊而由平陸者平陸齊邊邑漢屬東平

國孔子時為魯中都邑地爾時屬齊即今汶上縣在

兗州府西北九十里論語則吾必在汶上矣孔注去之汶水上欲北如齊邢疏地里

志云汶水出泰山萊蕪西南入齊在齊南魯北故曰欲北如齊齊魯之界以汶分孟

子所謂臣始至於境者當即指此山東通志東平陸城在汶上縣北桃

城之西南水經注汶水西逕平陸縣故城北是也邑大夫孔距心與孟子有

舊處於平陸依距心也時儲子為齊相以幣交受之

而不報汶上去齊都臨淄凡六百里謂儲子得之平

陸者閻百詩據范雎列傳云秦相穰侯東行縣邑車

騎至湖闕湖今闕鄉縣去秦都咸陽亦幾六百里是

當日國相皆得周行其境之內非令所禁也按史載

齊宣王喜文學游說之士自如騶衍淳于髡田駢接

子慎到環淵之徒七十六人皆賜列第為上大夫不

治而議論是以齊稷下學士復盛且數百千人

劉向別錄

日齊有稷門城門也談說之士期會于稷下也索隱曰齊地記曰齊城西門側系水左右有講室趾往往焉

存余意齊宣好大喜功此必其初年事史記列之末

年非也孟子亦必於此時至齊季氏圖譜謂他日之

齊不見儲子

有與屋廬子論季子不得之鄒儲子得之平陸之說

至亦不見齊

王故陳代以不見諸侯為小而萬章亦有不見諸侯

何義之問孟子皆舉齊景公招虞人不往為說以其

為齊故事人易曉也王疑其有異使人矚之意儲子

通意宣王知先加禮故得見孟子是也又云當其三

見而未言事蓋欲以道格其非心而不遽求於用人

行政之間則襲荀子之文而誤者

荀子孟子三見齊王不言事曰我先

攻其邪心楊倞注云以正色攻去邪心乃可與言也何義門云三見而不言其亦遠乎人情矣此腐儒偽

撰也於崇見王宜在此時時齊宣王館孟子於雪宮闕氏

謂雪宮蓋齊離宮之名游觀勝迹宜延見孟子於其地非就見之謂則孟子將朝王章寡人如就見者也

孟子致為臣而歸章王就見孟子曰云云皆無着

攷元和郡縣圖志齊雪宮

故址在青州臨淄縣東北六里則其地自在齊都東

郭門外齊人有一妻一妾章當在此蓋孟子目擊東

郭墻間之祭而因以諷當時之求富貴利達者也觀其

文類記於王使人  
瞞夫子章下便見  
然而去齊之志亦遂於是乎不欲

變矣

癸巳周顯王四景公十  
十一年魯八年  
孟子四十為賓師于齊

楚懷王君偃元年宋元年

張儀相秦

呂氏春秋曰儀魏氏餘子藝文志云張子十篇在縱橫流按張儀嘗與蘇秦俱

事鬼谷先生學術蘇秦自以為不及張儀初秦相六國欲得儀以固從約乃激怒儀使入秦所謂蘇君之時儀何敢言者是也至是入秦已六年而始相者前此惠王蓋以為客卿也又趙魏韓楚世家並書張儀相秦儀相而列國必書○秦敗趙疵于者見儀之用亦六國存亡之關也

河西趙世家二十二年趙疵與秦戰秦客卿張儀敗秦殺疵河西取我蘭離石

伐梁取蒲陽

正義曰在隰州隰川縣蒲邑故城是也既而歸之梁盡

入上郡以謝

正義曰今鄜綏等州也魏前納陰晉次納同丹二州今納上郡而盡河西

濱洛之地矣李氏以為北地郡誤犀首歸梁

經曰繼而有師命不可以請程沙隨謂師命賓師之命即授室萬鍾使大夫國人矜式事朱子謂此是舊說但於崇見王是初至齊事授室萬鍾是去齊時事故改為師旅之命余按孟子正義亦曰齊王續以賓師之命而禮貌之故由是為善遂不敢請任氏約首謂改此則孟子於齊居賓師之位無據矣師命自以

賓師之命爲合只指爲授室萬鍾時誤耳孟子於梁不稱臣而於齊稱臣者受命也受命則稱臣卽孟子云必有所不召之臣者是也他日爲王誦孔距心在受賓師之命之後故稱臣發棠之舉宜在此時書爲賓師別乎後之爲卿也季氏圖譜以於崇見王爲孟子免喪反齊後事遂曰宣王方欲伐燕所謂繼而有師命不可以請也不知伐燕是孟子所以去非孟子所以留且與公孫丑論仕不受祿明是前去齊事季說亦誤吳文園四書經註集證據釋地以孟子游齊

當在宣王八年丙戌今考史記田齊世家宣王八年與魏會于鄆九年與魏會徐州十年楚圍我徐州十一年與魏伐趙連年有事所謂師命者其卽指徐州之役乎此更不然按楚世家齊孟嘗君父田嬰欺楚楚威王伐齊敗之於徐州在周顯王三十六年戊子孟子若於丙戌至齊已三年矣一見齊王卽萌去志何遲之又久而不請也史記繫齊宣王元年於己卯又不載梁惠王後元之十七年而於丙戌書惠王卒子襄王立孟子於是年去魏適齊則當宣王之八年

是無論孟子至梁惠王已兩稱爲叟卽丙戌孟子年  
不過三十八歲居齊六年亦不過四十三歲年未及  
艾而與景丑氏言直以齒德當達尊曰惡得有其一  
以慢其二豈莫如我敬王者所肯出此哉故孟子於  
齊爲賓師計當在此時直惠王後元之八年孟子猶  
未至梁也梁惠王曰西喪地於秦七百里則正在是  
年閻百詩謂七百里卽惠王三十一年辛巳割河西  
之地獻于秦以和者非數獻也不知辛巳當顯王二  
十九年時魏幣以安邑西偏於秦遂徙大梁以避之

實未嘗割地秦本紀魏世家六國表皆謂獻河西地  
在顯王之三十九年此史記之足信者百詩作孟子  
考極信史記而此獨倍之何也卽河西地止自華州  
北至同州一帶亦無七百里惟癸巳魏盡入上郡于  
秦則自丹鄜延綏等州北至固陽向所爲築長城以  
界秦者都委棄之而秦乃可以東鄉也蓋梁地自河  
西逶迤而至河南幾將二千里蘇秦言地方千里者  
從長而橫不足截長補短算也明年秦歸梁焦曲沃  
並陝州地惠王蓋約畧計之曰西喪七百里耳非謂

河東之地止十餘其三也故他日張儀之言曰魏地方不至千里然則自惠王後元四年己丑以下四五年間魏數獻地于秦並惠王改元後實事不知者悉舉而屬之於襄王蓋之誤已

甲午周顯王十四年魯景公十年孟子六歲在齊

周九鼎淪泗没于淵按秦本紀昭王五十二年周民東亡其器九鼎入秦正義

日器謂寶器也禹貢金九牧鑄鼎於荆山下各象九州之物歷殷至周赧王五十九年秦昭王取九鼎然一飛入泗水餘八入於秦中又秦始皇本紀齋戒禱祠欲出周鼎泗水使千人沒水求之弗得楊慎曰舒雅史纂曰威烈王時九鼎震震者淪之兆也鼎神物也既能震動則没人水理也宋太正

社亡亡者自亡也社能自亡則鼎能自沒無疑使鼎誠在秦則始皇必不使人入水而求也秦所鑄金人靈爽少矣猶能潛然泣下於將徒况神禹之鼎乎宋子虛曰史何以書鼎入秦也秦恥不得鼎而詭書史因之不改也事有若實而妄者秦符周鼎也有若誣而實者鼎入泗水也余謂據此則紀年於顯王四十二年書九鼎淪泗没于淵較○秦史記足信謂泗淪其一而秦得其八者謬也

縣義渠渠君為臣歸梁焦曲沃更名少梁曰

夏陽徐廣曰夏陽在梁山龍門按張儀列傳秦惠王十年使公子華與張儀圍蒲陽降之儀因言秦復與魏而使公子繇質於魏儀因說魏王曰

秦王之遇魏甚厚魏不可以無禮因入上郡少梁謝秦惠王惠王乃以張儀為相更名少梁曰夏陽與魏世家秦本紀差異

當是之時從合則楚王衡成則秦帝孟子不之秦之

楚而之齊者闢從衡也觀其與齊言曰朝秦楚與梁  
言曰撻秦楚之堅甲利兵而不及齊則游事之意可  
見矣孟子胸中原有齊民安則天下之民舉安一段  
舍我其誰大作用在季氏謂孟子見宣王有齊桓晉  
文之問又有交鄰有道之問又有湯放桀武王伐紂  
之問其餘問樂問囿與夫雪宮明堂之問皆因其所  
好而啟之以王道宣王亦感發焉如好勇好貨好色  
之疾皆不自隱故孟子以爲足用爲善是也但事蹟  
圖譜並繫此數章於孟子再至齊之後則前六年於

齊所言何事竊意齊宣志在霸功桓文一問開口卽  
是與梁惠王問何以利吾國同意故列爲入齊之首  
章孟子先導以保民之政以下因上章而類次之又  
反復告以同民之事此必在孟子初至齊時無疑者  
邠卿謂孟子譏管晏不勉其君以王業王无咎非之  
曰岐名通孟子而實汨之是卽李泰伯謂不當勸齊  
梁之君以王之說余謂孟子說誘時君變化百出所  
言乃王政之本常生之道當章究義不嫌其重趙注  
無可議者鄭叔友致以爲儀秦之流謂戰國縱橫捭

闔之士皆發冢之人而軻能以詩禮著豈知孟子者哉惟是史記孔子世家記聖人所遊歷多引論語文附識其下孟傳疏漏特甚卽其居齊之久前後兩至凡與宣王問答語初不定在何年余亦惟以七篇之

文約畧記之云爾

乙未周顯王四十年魯景公二十七年孟子七歲在齊

趙蕭侯語二十四年卒于武靈王立索隱侯卒秦楚燕齊魏出銳師各萬人來會葬于武靈

曰名雍

秦初臘正義曰十二月臘日也秦惠文王始效中國爲之故云初臘獵禽獸以歲終祭先祖

因立此會龍門日也

嘗讀孟子列傳孟荀既不同時全謝山曰太史公謂孟荀同時固未必然

中壘以爲後百餘歲亦未必然蓋同時而又同居於齊不應一無問答而使其後百餘歲則已入秦人一統之世矣大抵孟子游齊當宣王荀子游齊當湣王據經典序錄子夏之詩三傳爲孟仲子仲子再傳爲荀子則時代可推矣餘如稷下諸子一無問答七篇載淳于髡之辭兩見按淳于髡齊之辯士集注云爾傳曰齊人也又曰齊之贅婿也則髡實是齊人當威王初年數使諸侯未嘗屈辱騶忌爲齊相髡往以微言語之禮踞則名位亦必與之相埒及宣王賜列第爲上大夫

而孟子至齊矣孟子再至齊始食卿祿淳于髡謂夫子在三卿之中則髡之於齊實與孟子相始終者中間當無復有至梁事魏世家三十五年淳于髡孟軻皆至梁疑卽田完世家中語而誤重出之耳傳稱客有見髡於梁惠王及髡見壹語連三日三夜無倦惠王欲以卿相位待之髡因謝去者或其先爲齊使梁與惠王語是未可知而斷不同在孟子至梁之日也閻百詩謂孟子與淳于髡問答僅兩章後章是去齊之後前章似相值於梁惠王朝孟子不見諸侯因惠

王延禮始至其國又未嘗仕真有孔子循道彌久温温無所試之象髡故發問夫子何不援天下不然於齊則仕矣余謂孟子初至齊位賓師無官守言責仕亦未嘗受祿嫂溺援手之喻當在此時閻說誤也

丙申周顯王四十四年魯景公二十一年孟子八歲在齊

趙武靈王元年

梁鄭太子朝趙信宮

正義曰在洛州臨洛縣趙世家武靈王元年陽文君趙豹

相梁襄王與太子嗣韓宣王與太子倉來朝信宮按此當爲梁惠王後元之十一年史以爲襄王誤索隱曰系本襄王名嗣則此太子嗣疑卽襄王耳梁敗趙護趙魏世家俱不載而年表

書之肅侯卒則梁會葬武靈王立則梁來朝乃不旋踵而有趙護之敗魏營之反覆至斯極已○

齊梁敗韓舉于桑邱拾地志云桑邱城在易州遂城縣界韓世家云魏敗我將

韓舉魏營日削地于秦猶不思厚韓親趙○秦初一年而連敗兩家不自撤其藩蔽也哉

稱王張儀列傳云儀相秦四歲立惠王為王按綱目丙申四十四年夏四月秦初稱王書法此

始書月詳秦僭也不○鄭亦為王秦本紀十三年四月戊午魏君

為王韓亦為王按前此顯王之三十四年齊魏為

王則魏稱王者至是十一年矣秦紀書韓並書魏

年表且獨書魏君為王恐皆誤不如去魏書秦與

列傳合時韓宣惠王之八年也年表在十年世家

在十一年亦與紀異

任氏考畧謂王命孟子為賓師館於雪宮是也但記

於慎靚王二年壬寅去梁之後則誤蓋孟子初至齊

宣王極致尊禮居之日久敬意寢衰觀王託疾以台

之辭曰寡人如就見者也自是對賓師語而雪宮去

國都稍遠東郭氏之弔孟仲子之要景丑氏之宿一

時情事可想是知其不在壬寅再至齊之日也皇極

經世書謂孟子顯王四十三年乙未為齊卿四十四

年丙申去齊余按孟子前至齊為賓師並未為卿且

既於乙未為卿何不及一年而遂去者惟是孟子去

齊當即在丙申以後時蓋大夫王驩漸用事趙岐注

謂子敖使而之魯樂正子從之來齊孟子罪之今日  
弟子尚不許其從行則異日之覲面不交一言亦可  
概見又匡章通國皆稱不孝而與之遊陳仲子人皆  
以爲廉而斥其無親戚君臣上下於俗亦多不合蚺  
鼃辭靈邱而請士師孟子諷之諫諫不用而去亦當  
在此觀其與公都子之言曰則吾進退豈不綽綽然  
有餘裕哉此亦其將去者機也

丁酉

顯王十四年魯景公二十二年

孟子

四十九歲

去齊反魯之宋

秦

惠文王改其十四年爲一年○初稱王改元也

蘇秦自燕奔齊

綱目書法秦通於文公夫人恐得

在齊則燕重王許之乃僞得罪於燕而奔齊此僞  
奔也曷爲以奔書其奔則僞其所以奔則實書奔  
所以著秦之隱惡也蘇秦列傳於是蘇秦詳爲得  
罪於燕而亡走齊齊宣王以爲客卿齊宣王卒湣  
王卽位說湣王厚葬以明孝高宮室大苑囿以明  
得意欲破散齊而爲燕余按燕世家蘇秦說王使  
齊爲反間欲以亂齊又云及蘇秦死而齊宣王復  
用蘇代則秦所間者實是宣王非湣王列傳誤也  
惟顯王之四十五年當燕易王○趙城鄙○秦使  
張儀伐取陝出其人張儀列傳立惠王爲王居一  
統志云陝古邑名周爲虢國地春秋時屬晉戰國  
時先屬韓後屬魏漢置陝縣爲宏農郡治魏晉因  
之後魏改爲陝州

孟子曰久於齊非我志也其見亦罕矣牛山之木且  
且而伐之一暴十寒無惑乎王之不知也况是年蘇  
秦說燕使齊欲亂齊而爲燕而宣王卒爲其所間其  
寒甚矣乃徒以兼金百鎰之餽示養賢之優直貨取  
也見幾者其能已於行乎季氏圖譜曰朱子綱目書  
孟軻至魏於惠王三十五年招賢之日書去魏適齊  
於惠王後十六年襄王初立之時書去齊於宣王十  
九年齊人取燕之下孟子適齊之歲實宣王十四年  
也則孟子居魏者閏十八年居齊者閏六年今孟子

書所記魏事甚少齊事甚多豈宜在魏日如此之深  
而在齊日如此之淺耶其辨甚是而未詳綱目所書  
之宣王十九年是通鑑所書之丁未非史記所書之  
丁酉也不知孟子前後兩至齊兩去齊前去齊當在  
丁酉無疑者蓋孟子去齊充虞路問夫子若有不豫  
色然孟子明言由周而來七百有餘歲若在赧王元  
年丁未逆數至武王有天下歲在己卯當得八百有  
九年庸有未滿其數而侈言之未有旣踰其數而靳  
言之者孟子方欲言其數過豈肯以八百有餘歲而

滅作七百耶然則不獨不在赧王時亦不在慎靚王時當在顯王四十五年丁酉未滿八百歲以前而恰值此年此則七篇之經之鑿鑿可證者也孟子曰王者之不作未有疏於此時觀公孫丑設辭以問必在孟子未爲卿之日故集注云自文武至此七百餘年閻百詩謂當作八百五十年則謬已然去齊何以知其反魯也經曰孟子去齊居休按故休城在今兗州府滕縣北一十五里

山東通志漢封楚元王子富爲休侯卽此

距孟子家

約百里則自齊反魯所經也孟子之游於此有年矣

故歸省其母而後之宋任氏考畧引路史國名記休在潁州屬宋境遂以爲孟子去齊之宋之證亦非是又圖譜記孟子去齊往宋在滕文公爲世子之時說與經合謂適宋有二其初當宋剔成其後當宋王偃不知宋世家辟公元年卽周烈王四年己酉也立三年辛亥辟公卒子剔成立壬子剔成元年立四十一年壬辰剔成弟偃攻襲剔成剔成敗犇齊偃自立爲宋君時顯王之四十一年癸巳也宋偃將行王政故孟子游齊之外曾兩至宋据此則孟子初至宋時君

偃立已五年不在剔成之世矣

